

moribus, cultu, religionibus, locorū interuallis, tantam calamitatem vno die infligere: Si fœtus & filius est astri Cometa, neq; vnum astrum omnes mundi partes læde- te possit, quo sit vt Cometam velint ita multas, & inter se uarias gentes vno gladio trucidare:

Dura sanè sunt multa, quæ isti scribunt, sed illud mi- nime, aut vix ferendum, cum Regibus principibusq; vi- ris extrema minantur. Utinam sit aliquando Heros, qui aliquem ex ipsis ad se adduci iubeat, quærens cui porrò principi mors ista impendet: Num potētissimo: At cur nomine nō appellas: scis enim quis ille sit. Necq; alij me- tuent, si hoc dicas articulate. Nunquid pessimo: At hīc ē medio non tollitur à Deo. Immò vitæ huius bonis ab- undat, ab eternis prohibitus. Ergo bonus morietur prin- ceps: Quamobrem: vt orbitate tanta morte q; sui pasto- ris & parentis populus pessumdetur: Præter quā quod si bonis minetur Deus, possunt iij precibus illū flectere. Placatus autem Deus Cometam ediderit vanum, et sine ullo euētu erunt prognostica. Interim non Regē vnum aut Princē, sed omnes Heroes, & cū suis dominis po- pulos innumerabiles frustra Deus Opt. Max. perterrefa- ciet: Causam tu Aruspex redde. Et si causam nescis, cur audes citra omnem rationis vim prædicere quæ igno- ras: Hæc ipsa si quis ab Astrologo quærat Princeps gra- uiissimus, nescio quid sit homo responsurus. Hoc tantum scio, eiusmodi vates dignos esse, qui suum saltem erratū videant, & palam recognoscant.

Iam pergo argumentari de genere Cometarum uni- uerso. Antequam ad vrsam ascendat Cometa ( quod in ultimo factum est ) cum stellis quotidie occidit. Ergo ubi sol & cæteræ stellæ dum globum ambient elemen- tarem, varijs populis variè apparent, vt semper orientur & occidunt, nocturnæ diurnæ sint, matutinæ, uesterti- næ, meridianæ: ita quoque Cometis accidit. Ergo diuer- sus habitus & aspectus, tantaq; terrarum differentia, & in cœli cursu uarietas, uarias faciunt Cometis uires. Et si